

1. **Ministarstvo za boračka pitanja Kantona Sarajevo**, koga zastupa ministar Hajrudin Grabovica (u daljem tekstu: Ugovorni organ) i
2. **Senigor d.o.o. Sarajevo**, koga zastupa Senad Islam, direktor (u daljem tekstu: Dobavljač), zaključili su u Sarajevu dana, 25.09.2020. godine

U G O V O R
o nabavci, transportu i isporuci građevinskog materijala za pripadnike boračke populacije
Kantona Sarajevo za 2020. godinu

Član 1.

Predmet ovog Ugovora je nabavka, utovar, prijevoz i isporuka građevinskog materijala za potrebe korisnika donacije putem Ministarstva za boračka pitanja Kantona Sarajevo, od strane najpovoljnijeg ponuđača u konkretnom slučaju dobavljača, a po obavještenju o javnoj nabavci objavljenom na Portalu javnih nabavki na bosanskom i engleskom jeziku pod brojem: 920-1-1-4-3-72/20 od 17.06.2020. godine i sažetak obavještenja o nabavci u „Službenom glasniku BiH”.

Član 2.

Dobavljač se obavezuje da će po nalogu Ugovornog organa dostaviti i isporučiti građevinski materijal iz specifikacije iz ponude koja je prilagođena cijenama ponuđenim na E- Aukciji, a koja je sastavni dio ovog Ugovora, na lokacije koju mu odredi Ugovorni organ tj. izvršiti prijevoz materijala do korisnika donacije, pod uslovom da do lokacije postoji adekvatan prilaz koji omogućava pristup vozilu.

Dobavljač se obavezuje da neće dozvoliti korisnicima donacije izmjene pojedinačnih specifikacija doniranog građevinskog materijala niti eventualnu zamjenu materijala protuvrijednosti u novcu ili nekoj drugoj robi.

Sastavni dio ovog Ugovora je utvrđeni zbirni pregled ukupnih vrsta i količina potrebnog građevinskog materijala za potrebe realizacije Projekta dodjele jednokratne bespovratne pomoći u građevinskom materijalu za 2020.godinu.

Dobavljač se obavezuje da će po okončanju isporuke kompletnih naručenih količina građevinskog materijala Ugovornom organu dostaviti zbirnu specifikaciju isporučenog materijala prema vrsti i količini.

Član 3.

Ukupna vrijednost ugovora je 524.000,00 KM (slovima: petstotinadvestečetirihiljade KM) pez PDV-a, odnosno 613.080,00 KM (slovima: šeststotinatrinaestihiljadaosamdeset KM) sa uračunatom vrijednosti PDV-a.

Na ponuđene cijene se primjenjuje konačni popust nakon završene E-aukcije od 18,13% (524.000,00/640.046).

Sastavni dio ovog Ugovora je Obrazac za cijenu ponude (anex 1), kao i specifikacija sa uključenim popustom sa e-aukcije, odnosno korigovanim pojedinačnim cijenama.

U cijenu građevinskog materijala je uračunat PDV, troškovi utovara i prijevoza do lokacije koju utvrdi Ugovorni organ, tj. do korisnika donacije na području Kantona Sarajevo.

Član 4.

Ugovorni organ se obavezuje da će odobravanje plaćanja obaveza po ovom ugovoru izvršiti u roku od 30 dana od dana ispostavljenе fakture po izvršenoj isporuci građevinskog materijala od strane Dobavljača, a plaćanje zavisi od dinamike priliva budžetskih sredstava. Dobavljač je dužan uz fakturu isporučenog građevinskog materijala dostaviti Ugovornom organu pojedinačne specifikacije i otpremnice o isporučenom građevinskom materijalu, potpisane od strane korisnika donacije.



Član 5.

Rok početka isporuke građevinskog materijala je najkasnije 5 dana od dana potpisivanja ovog Ugovora, odnosno dostavljanja spiska krajnjih korisnika sa specifikacijama potrebnog materijala od strane Ugovornog organa.

Rok isporuke ukupne količine ugovorenog građevinskog materijala, a u skladu sa ponudom dobavljača nakon okončane e- aukcije od momenta dostave pojedinačne specifikacije – naloga za isporuku građevinskog materijala korisniku donacije je u roku od 30 dana od dana dostavljanja naloga za isporuku, a cjelokupnu količinu materijala najkasnije do 31.12.2020. godine.

Nepridržavanje navedenog roka povlači raskid ovog ugovora jednostrano od strane Ugovornog organa.

U slučaju da se ne isporuči građevinski materijal u utvrđenom roku, Ugovorni organ će zaračunati penale od 1 promila od vrijednosti ugovora za svaki dan kašnjenja, a maksimalno do iznosa definisanog zakonom.

Član 6.

Dobavljač se obavezuje da sa danom potpisivanja ovog Ugovora obezbjedi garanciju za uredno izvršenje ugovora u visini od 10 % od vrijednosti ugovora kako je navedeno u tenderskoj dokumentaciji, sa rokom važnosti : rok važnosti ugovora, odnosno 31.12.2020. godine + 30 dana.

Ugovorni organ će realizovati garanciju za uredno izvršenje ugovora ukoliko ponuđač :

- ne ispoštuje neke od uslova navedenih u tenderskoj dokumentaciji
- ne ispoštuje neke od uslova navedenih u ponudi, a prilikom realizacije ponude to konstatuje predstavnik Ugovornog organa koji prati realizaciju ugovora.

Član 7.

Dobavljač odgovara za kvalitet i količinu isporučenog građevinskog materijala.

Ukoliko postoje opravdani razlozi za reklamaciju, što zajednički cijene i utvrđuju Ugovorni organ i Dobavljač, a prema zahtjevu korisnika donacije, Dobavljač se obavezuje da prihvati reklamaciju na isporučeni građevinski materijal.

U slučaju da se isporuči građevinski materijal lošijeg kvaliteta u odnosu na ugovoreni, Ugovorni organ će obračunati penale od 5% vrijednosti isporuke građevinskog materijala i dobavljač će biti dužan da isti zamjeni u garantnom roku koji je dao u ponudi.

Član 8.

Ukoliko Dobavljač ne prihvati opravdanu reklamaciju Ugovorni organ raskida ugovor i obustavlja plaćanje po fakturi za izdati građevinski materijal i vrši realizaciju bankovne garancije.

Član 9.

Ugovor se smatra raskinutim po pismenom obavještenju isporučiocu od strane Ugovornog organa, a iz razloga utvrđenih ovim ugovorom.

Ugovor se može raskinuti i sporazumno.

Član 10.

Dobavljač kome je dodjeljen ugovor neće sklapati podugovor ni o jednom bitnom dijelu ugovora bez prethodnog pismenog odobrenja Ugovornog organa. Elementi ugovora koji se podugovaraju i identitet podugovarača obavezno se saopćavaju Ugovornom organu blagovremeno prije sklapanja podugovora. Ugovorni organ obavjestit će Dobavljača o svojoj odluci u roku od 15 dana nakon prijema saopćenja, navodeći razloge u slučaju odbijanja. Dobavljač kojem je dodjeljen ugovor snosi punu odgovornost za realizaciju ugovora.

Član 11.

Ugovorni organ shodno članu 72. tačka 6. Zakona o javnim nabavkama postavlja uslov da Dobavljač kojem je dodjeljen ugovor o javnoj nabavci nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, najmanje šest mjeseci po zaključenju ugovora.


Član 12.

Ukoliko eventualne sporove ugovorne strane ne budu mogle riješiti sporazumno, za sve nastale sporove nadležan je sud u Sarajevu.

Član 13.

Ovaj ugovor je sačinjen u 4 (četiri) primjerka od kojih svaka strana zadržava po 2 (dva) primjerka.

ZA DOBAVLJAČA


Nezvet Osmanović

Broj:63/20

Datum; 25.09.2020. godine



**ZA UGOVORNI ORGAN
MINISTAR**


Hajrudin Grabovica

Broj: 06-11-28618-1/20

Datum; 25.09.2020. godine.

